

Bosna i Hercegovina
Federacija Bosne i Hercegovine
Bosansko-podrinjski kanton Goražde
**ZAVOD ZDRAVSTVENOG OSIGURANJA BOSANSKO-PODRINJSKOG KANTONA
GORAŽDE**

Broj: 01-11-5504-3/21
Goražde, 10.11.2021.godine

Zavod zdravstvenog osiguranja BPK Goražde, rješavajući po žalbi od 01.11.2021.godine, zaprimljenoj 08.11.2021.godine pod brojem 01-11-5643/21, izjavljenoj od strane Zdravstvene specijalističke ustanove „POLIKLINIKA VITALIS“ Mostar, Vukovarska bb, zastupani po zakonskom zastupniku direktoru dr. Goranu Đuzelu, zatim po punomoćnicima Darislavu Paponji i Davoru Bunozi, advokati iz Mostara, na osnovu člana 100. stav 3) Zakona o javnim nabavkama BiH, u predmetu javne nabavke usluga: „Pružanje usluga radiološke dijagnostike – magnetna rezonanca, za potrebe osiguranika Zavoda zdravstvenog osiguranja BPK Goražde“, donosi s l i j e d e ć u:

O D L U K U

I

Usvaja se Žalba Zdravstvene specijalističke ustanove „POLIKLINIKA VITALIS“ Mostar, zaprimljena putem redovne pošte, pod brojem 01-11-5643/21 dana 08.11.2021.godine, na tendersku dokumentaciju broj: 01-11-5504/21, za nabavku usluga radiološke dijagnostike – magnetna rezonanca, za potrebe osiguranika Zavoda zdravstvenog osiguranja BPK Goražde.

II

Komisija za javne nabavke Zavoda zdravstvenog osiguranja BPK Goražde izvršit će promjene u Tenderskoj dokumentaciji, koju će proslijediti svim ponuđačima koji su u roku preuzeli Tendersku dokumentaciju sa Web stranice Zavoda zdravstvenog osiguranja BPK Goražde www.zzobkp.ba u postupku javne nabavke usluga radiološke dijagnostike.

III

Priznaju se žalitelju troškovi žalbenog postupka u iznosu od 240,00 KM uvećani za vrijednost PDV 17% u iznosu od 40,80 KM. U preostalom dijelu zahtjev se odbija kao neosnovan. Zavod zdravstvenog osiguranja BPK Goražde će priznati visinu naknade troškova žalbenog postupka izvršiti u roku od 8 dana od pravosnažnosti Odluke.

O b r a z l o ž e n j e

Zavod zdravstvenog osiguranja BPK Goražde (u daljem tekstu: Ugovorni organ) u postupku javne nabavke usluga radiološke dijagnostike-magnetna rezonanca, koja je sprovedena putem Web stranice broj: 01-11-5504/21 od 27.10.2021.godine, je dana 08.11.2021.godine zaprimio Žalbu na tendersku dokumentaciju Zdravstvene specijalističke ustanove „POLIKLINIKA VITALIS“ Mostar zbog pogrešne primjene materijalnih propisa i bitnih povreda odredbi Zakona o javnim nabavkama.

Komisija za javne nabavke Ugovornog organa, koja je nadležna za postupke javnih nabavki, pripremila je Tendersku dokumentaciju za nabavku usluga radiološke dijagnostike - magnetna rezonanca broj: 01-11-5504/21 od 27.10.2021. godine, a obavještenje o nabavci objavila isti dan.

Zdravstvena specijalistička ustanova „POLIKLINIKA VITALIS“ Mostar, je po slobodnoj volji preuzela Tendersku dokumentaciju nakon čega je uložila žalbu.

Postupajući po žalbi Komisija je utvrdila da je ista dopuštena, blagovremena i izjavljena od strane ovlaštenog lica, te da su navodi istaknuti u istoj, osnovani.

Žalitelj se u konkretnom slučaju žali na odredbu 3.1.a) Tenderske dokumentacije, „U pogledu tehničke i profesionalne sposobnosti ponuđači trebaju ispuniti slijedeće minimalne uslove:

-da na području Grada Sarajeva, ima na raspolaganju zdravstvenu ustanovu koja ispunjava uslove prostora, opreme i kadra za pružanje usluga radiološke dijagnostike – magnetna rezonanca, propisane Pravilnikom o bližim uslovima prostora, opreme i kadra za osnivanje i obavljanje zdravstvene djelatnosti u zdravstvenim ustanovama“

Žalitelj smatra da je ovakav zahtjev u suprotnosti odredbi člana 3. Zakona o javnim nabavkama BiH, kojima je propisano da je Ugovorni organ dužan postupati transparentno, te da se u postupku javne nabavke prema kandidatima treba ponašati jednako i nediskriminirajuće kako bi se osigurala pravična i aktivna konkurencija.

Pored navedenog žalitelj ističe da Ugovorno tijelo na ovaj način nije osiguralo aktivnu i pravičnu konkurenciju, kako bi se na tržištu kao učesnici u postupku javne nabavke mogla javiti i druga gospodarska društva koja se ne nalaze na teritoriji Grada Sarajeva, kako bi se stvorila tržišna konkurencija pod jednakim uslovima za sve zainteresirane učesnike.

Obzirom na navedeno, Komisija je sačinila Izjašnjenje povodom navedene žalbe u kojem zaključuje da su navodi žalitelja osnovani, te da je potrebno izvršiti izmjene i dopunu tenderske dokumentacije, iz kojeg razloga je odlučeno kao u dispozitivu ove Odluke.

Odlučujući o troškovima postupka imajući u vidu visinu postavljenog zahtjeva u iznosu od 1.000,00KM uvećan za vrijednost PDV-a u visini od 170,00 KM Ugovorni organ je u skladu sa odredbom čl. 18 stav 2. i 33. Tarifa o nagradama i naknadi troškova za rad advokata („Službene novine Federacije BiH“ broj: 22/04 i 24/04) pristupio odlučivanju o troškovima ovog postupka, smatrajući da u konkretnom slučaju treba primijeniti tarife u postupcima u neprocjenljivim stvarima. Žalitelju pripada naknada troškova postupka za podnošenje žalbe u upravnom postupku, u neprocjenljivom predmetu, to jest u iznosu od 240,00 KM u skladu sa članom 18 stav 2. i 33. Tarifa o nagradama i naknadi troškova za rad advokata („Službene novine Federacije BiH“ broj: 22/04 i 24/04) i Presudom Suda Bosne i Hercegovine broj: S1 3 U 023495 16 U od 16.03.2018.godine i PDV 17% u iznosu od 40,80 KM. U preostalom dijelu zahtjev se odbija kao neosnovan.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi BiH u roku od 5 dana od dana prijema Odluke, putem ovog Ugovornog organa.

DIREKTOR:

Salem Halilović

Dostavljeno:

- Zdravstvena specijalistička ustanova „POLIKLINIKA VITALIS“ Mostar
- Svim učesnicima
- Komisiji za javne nabavke
- a/a

